

NË EMËR TË POPULLIT

GJYKATA THEMELORE NË MITROVICË-Departamenti për Krime të Rënda, Kryetari i trupit gjykues Beqir Halili, me procesmbajtësin Diar Jusufi, në lëndën penale kundër të akuzuarit [REDAKTUAR], për shkak të veprës penale Keqpërdorimi i të drejtës së votimit nga neni 216 par.1 pika 1.2 të KPRK-së, duke vendosur sipas aktakuzës të Prokurorisë Themelore në Mitrovicë-Departamenti për Krime të Rënda PP.I.nr.119/2014 të datës 14.06.2017, të cilën e përfaqëson Prokurori Ismet Ujkani, pas mbajtjes së shqyrtimit fillestar me datën 29.08.2017, të njëjtën ditë në prezencën e prokurorit Ismet Ujkani, të akuzuarit [REDAKTUAR] e shpalli, kurse me datën 29.08.2017, e përpiloi këtë:

AKT GJYKIM

I akuzuari:

[REDAKTUAR], i biri i [REDAKTUAR], e ëma [REDAKTUAR], mbiemri i vajzërisë së nënës [REDAKTUAR], i lindur me [REDAKTUAR] në Mitrovicë, ku edhe jeton në Mitrovicë, me nr. personal [REDAKTUAR] shqiptar, shtetas i Republikës së Kosovës, teknik i telekomit, i pa martuar, ka të kryer Fakultetin Ekonomik – Menaxhment, i gjendjes së mirë ekonomike.

Ë SHTË FAJTOR

SEPSE:

Me datë: 03.11.2013 në Shkollën e Mesme të Mjekësisë në komunën e Mitrovicës – Veri, në zgjedhjet lokale, në vendvotimin nr. 3806b/02d ka votuar si votues me kusht edhe pse më parë ka votuar si votues i rregulltë.

- Me këtë ka kryer veprë penale **Keqpërdorimi i të drejtës së votimit nga neni 216 par. 1 nen par. 1.2 të KPRK-së.**

Duke u bazuar në dispozitat e nenit 41, 45, 51, 73, 74 të KPRK-së dhe nenit 365, 366, dhe 450 par 2.6 te KPP-së, e:

GJYKON

ME DËNIM ME BURG, në kohëzgjatje prej gjashtë (6) muaj, i cili nuk do të ekzekutohet në periudhën kohore prej një (1) viti, me kusht që i akuzuari të mos kryej veprë të re penale.

Obligohet i akuzuari që në emër të shpenzimeve të procedurës penale e në emër të paushallit gjyqësor ta paguaj shumën prej pesëdhjetë (50) Euro.

Të gjitha këto në afat prej 15 ditësh nga dita e marrjes së formës së prerë të këtij aktgjykimi nën kërcënimin e ekzekutimit të dhunshëm.

Pas shpalljes së aktgjykimit kryetari i trupit gjykues në pika të shkurtëra e arsyetoi dispozitivin e këtij aktgjykimi.

Pas shpalljes së aktgjykimit palët u udhëzuan se kanë të drejtë të paraqesin ankese në afat prej 15 ditëve nga dita e marrjes së aktgjykimit.

A r s y e t i m

Prokuroria Themelore në Mitrovicë - Departamenti për Krime të Rënda, ka ngritur aktakuzë PP.I.nr.119/2014 të datës 09.06.2017, kundër të akuzuarit [REDAKTUAR] për shkak të veprës penale Keqpërdorimi i të drejtës së votimit nga neni 216 par 1 pika 1.2 të KPRK-së.

Gjatë shqyrtimit gjyqësor i akuzuari e ka pranuar në tërësi fajësinë për veprën penale për të cilën ngarkohet.

Prokurori i shtetit Ismet Ujkani në fjalën përfundimtare deklaroi: Nga provat që gjinden në shkresat e lëndës e që në aktakuzë janë propozuar të nxirren si prova e atë: kopja e zarfit të fletëvotimeve me kusht, lista e votuesve me kusht dhe lista e votuesve të rregullte. Andaj i njëjti ka kryer veprën penale me të cilën ngarkohet në aktakuzë dhe se gjykatës i propozoj që ta pranoj pranimin e fajësisë të të pandehurit që mbështetet në provat e lartëcekura.

Trupit gjykues përcakton se i akuzuari e kuptoj natyrën dhe pasojat e pranimit të fajësisë së me pranimin e fajësisë nuk do të mbahet shqyrtimi gjyqësor, nuk do të ketë të drejtë të propozoj prova si dhe të paraqes ankese për shkak të vërtetimit të gabuar të gjendjes faktike. Pranimi i fajësisë bëhet vullnetarisht nga ana e të akuzuarit, pranimi i fajësisë mbështetet në faktet e çështjes që përmban aktakuza në materialet e prezantuara nga prokurori.

Me rastin e vendosjes për llojin dhe lartësinë e dënimit gjykata si rrethana lehtësuese në vështrim të nenit 74 par. 3 nënpar. 3.3, 3.8, 3.10 e 3.11 të KPRK-së, i ka marrë se: e akuzuara është mbajtëse e tre fëmijëve, e akuzuara për herë të parë ka rënë në kundërshtim me ligjin pasi që nuk është e dënuar me aktgjykim të formës së prerë, ka bashkëpunuar në mënyrë korrekte me gjykatën dhe organet e ndjekjes, e akuzuara e ka pranuar fajësinë, ka shfaqur keqardhje për veprën e kryer penale, është penduar se e ka kryer këtë vepër dhe ka premtuar se në të ardhmen nuk do të kryej vepra tjera penale.

Gjykata të akuzuarit i ka shqiptuar dënimin e parashikuar me ligj pasi që për veprën penale Keqpërdorimi i të drejtës së votimit nga neni 216 par.1 pika 1.2 të KPRK-së, parashihet dënimi prej gjashtë (6) muaj deri në tre (3) vjet.

Duke u bazuar në dispozitat e nenit 51 par.1 dhe 2 të KPRK-së, i ka shqiptuar dënim me burg në kohëzgjatje prej gjashtë (6) muaj, i cili nuk do të ekzekutohet në periudhën kohore prej një (1) viti, me kusht që e akuzuara të mos kryej vepër të re penale.

Duke marrë parasysh të gjitha këto rrethana si dhe shkallën e rrezikshmërisë shoqërore gjykata vlerëson se edhe me këtë dënim do të arrihet qëllimi i dënimit nga neni 41 par 1 të KPRK-së, që ti parandaloj kryerësit nga kryerja e veprave penale në të ardhmen dhe të bëjë rehabilitimin e tyre, si dhe të parandaloj personat tjerë nga kryerja e veprave penale si dhe forcimin e detyrimit për respektimin e ligjit.


Vendimin për shpenzimet e procedurës gjykata e ka marrë në bazë të nenit 450 par. 2 pika 2.6 të KPP-së, që kanë të bëjnë me shpenzimet e paushallit gjyqësor.

Në bazë të të dhënave të shënuara si më lartë u vendos si në dispozitiv të këtij aktvendimi..

GJYKATA THEMELORE NË MITROVICË
Departamenti për Krime të Rënda
P.nr.84/2017, me datën 29.08.2017

Procesmbajtësja
Diar Jusufi

Kryetari i trupit gjykues
Beqir Halili



KËSHILLË JURIDIKE: Kundër këtij aktgjykimi është e lejuar ankesa në afat prej 15 ditësh Gjykatës se Apelit në Prishtinë - Departamentit për Krime të Rënda, e përmes kësaj Gjykate.